

華嚴 1939 集講義

## 修華嚴奧旨妄盡還源觀

### 一、顯一體

謂自性清淨圓明體。

### 二、起二用

一者海印森羅常住用。二者法界圓明自在用。

### 三、示三遍

一者一塵普周法界遍。二者一塵出生無盡遍。

三者一塵含容空有遍。

### 四、行四德

一者隨緣妙用無方德。二者威儀住持有則德。

三者柔和質直攝生德。四者普代眾生受苦德。

### 五、入五止

五止者，即依前能行四德之心，而修五止也。

一者，照法清虛離緣止。謂觀照真俗二諦之法，空有不二，清淨虛廓，能緣之智既寂，

而所緣之境亦亡也。

二者，觀人寂怕絕欲止。謂觀五蘊之身，諸法本空，寂然淡泊，諸欲皆盡，無願無求也。

三者，性起繁興法爾止。謂依體起用，名為性起，應用萬差，故曰繁興，任運常然，名法爾也。

四者，定光顯現無念止。謂入此三昧中，光明炳現，內外洞徹，無思無慮也。

五者，事理玄通非相止。謂真性之理，幻相之事，隱顯俱融，性相雙泯也。

## 六、起六觀

六觀者，即依前五止而修，即止之六觀也。

一、攝境歸心真空觀。謂觀世間一切諸法性，唯一心造，心外更無一法可得，境本空寂，無有實體也。

二、從心現境妙有觀。謂依體起用，具修萬行，莊嚴佛土，成就報身也。

三、心境祕密圓融觀。所言心者，謂無礙心，諸佛證之，以成法身也。境者，謂無礙境。諸佛證之，以成淨土也。然如來報身，及所依淨土，圓融無礙。或身中現土，土中現身，心境雙融，了無迫隘也。

- 四、智身影現眾緣觀。謂智體唯一，能鑑眾緣，猶如日輪照現，迴處虛空，有目之流，無不親見也。
- 五、多身入一境像觀。謂以大止妙觀法力加持故，得一身作多身，多身入一身，如鏡現像，無有障礙也。
- 六、主伴互現帝網觀。謂毘盧遮那自身為主，十方諸佛菩薩為伴。或以一身為主，多身為伴。主伴互現，重重無盡，如帝網珠，光光交映，無有窮盡也。